

李義山詩集

一



唐李義山詩集卷之一

太學博士李商隱 義山



五言古詩

戊辰會靜中出貽同志二十韻

大道諒無外會越自登真丹元子何索在已莫問鄰
蒨璨玉琳華翹翔九真君戲擲萬里火聊召六甲旬
瑤簡被靈誥持府開七門金鈴攝群魔絳節何煢煢
吟弄東海若倚笑扶桑春三山誠廻視九州揚一塵
我本玄元胄稟華由上津中迷鬼道樂沉爲下土民
託質屬太陰鍊形復爲人誓將覆官澤安此真與神

龜山有慰薦南真爲彌綸玉管會玄圃火棗承天姻
科車遏故氣侍香傳靈芬飄颻被青霓婀娜佩紫紋
林洞何其微下僊不與羣丹泥因未控萬刼猶逡巡
荆蕪旣以蘿丹壑永無因相期保妙命騰景侍帝宸

和鄭愚贈汝陽王孫家箏妓二十韻

水霧怨何窮秦絲嬌未已寒空烟霞高白日一萬里
碧嶂愁不行濃翠遙相倚茜袖捧瓊姿皎日丹霞起
孤猿耿幽寂西風吹白芷廻首蒼梧深女蘿閉山鬼
荒郊白鱗斷別浦晴霞委長河心白道連地尾
秦人昔富家綠窓聞妙旨鴻驚雁背飛象牀殊故里

因今五十絲中道分宮徵斗粟配新聲
姊姪徒纖指風流大堤上悵望白門裏
蠹粉實雌絃燈光冷如水
羞管促蠻柱從醉吳宮耳滿內不掃眉
君王對西子初花慘朝露冷臂妻愁
髓一曲送連錢遠別長於死
玉砌銜紅蘭粧窓結碧綺九門十二關
清晨禁桃李

驕兒詩

袞師我驕兒美秀乃無匹文藻未周
醉固已知六七四歲知姓名眼不視梨栗
交朋頗窺觀謂是丹穴物前朝尚器貌
流品方第一不然神仙姿不爾燕鶴骨安
得此相謂欲慰衰朽質青春研和月朋戲
渾甥姪

繞堂復穿林沸石金鼎溢門有長者來造次請先出

客前問所須含意不吐實歸來學客面闔敗秉爺笏

或謔張飛胡或笑鄧艾吃豪鷹毛崩化力劣

良直反

馬氣信傑

離直反

截得青筭

于君反

當騎走恣唐突忽復

學參軍按聲喚蒼鶻

又復

紗燈旁稽首禮夜佛仰鞭

胥蛛網俯首飲花蜜欲爭蛱蝶輕未謝柳絮疾階前

逢阿姊六甲頗輸失凝走弄香奩拔脫金屈戌抱持

多反倒威怒不可律曲躬牽窓網鰥唾拭琴漆有時

看臨書挺立不動膝古錦請裁衣玉軸亦欲乞請爺

書春勝春勝宜春日芭蕉斜卷牋辛夷低過筆爺背

好讀書懇苦自著述顛願欲四十無肉畏蚤虱兒慎勿學爺讀書求甲乙穰苴司馬法張良黃石術便爲帝王師不假更纖悉况今西與北羌戎正狂悖誅赦兩未成將養如探疾兒當速成大痼鷙入虎窟當爲萬戶侯勿守一經表

行次西郊作一百韻

蛇年建午月我自梁還秦南下大散嶺北濟渭之濱草木半舒坼不類冰霜晨又若夏苦熱樵卷無芳津高田長槲櫪下田長荆榛農具弃道旁饑牛死空墩依依過村落十室無一存存者皆面啼無衣可迎賓

始若畏人問及門還具陳右輔田疇薄斯民嘗苦貧
伊昔稱樂土所賴牧伯仁官清若冰玉吏善如六親
生兒不遠征生女事四隣濁酒盈瓦缶爛穀堆荆囷
健兒疵旁婦衰翁舐童孫况自貞觀後命官多儒臣
例以賢牧伯徵入司陶鈞降及開元中姦邪撓經綸
晉公忌此事多錄邊將勲因令猛毅輩雜牧昇平民
中原遂多故除授非至尊或出倖臣輩或由帝戚恩
中原困屠解奴隸厭肥豚皇子弃不乳椒房抱羌渾
重賜竭中國強兵臨北邊控弦二十萬長臂皆如猿
皇都三千里來往同彫鵠五里一換馬十里一開筵

指顧動白日煖熱廻蒼旻公卿辱嘲叱唾弃如糞丸
大朝會萬方天子正臨軒綵旂轉初旭玉座當祥烟
金障旣特設珠簾亦高褰將須褰不顧坐在御榻前
忤者死艱屢附之昇頂顛華侈矜逡衡豪俊相併吞
因失生惠養漸見徵求頻奚寇西北來揮霍如天翻
是時正忘戰重兵多在邊列城遶長河平明插旗幡
但聞虜騎入不見漢兵屯大婦抱兒哭小婦攀車轔
生小太平年不識夜閉門少壯盡點行疲老守空村
生分作死誓揮淚連秋雲廷臣例麌怯諸將如羸奔
爲賊掃上陽捉人送潼關玉輦望南斗未知何日旋

誠知開闢久違此雲雷屯送者問鼎大存者要高官
捨攘牙間謀孰辨梟與鸞千馬無返轡萬車無還轍
城空雀鼠死人去豺狼喧南資竭吳越西費失河源
因令右藏庫摧毀惟空垣如人當一身有左無右邊
筋體半瘞渾肘腋生臊膻列聖蒙此耻含懷不能宣
謀臣拱手立相戒無敢先萬國困杼軸內庫無金錢
健兒立霜雪腹歎衣裳單饋餉多過時高估銅與鉛
山東望河北爨烟猶相聯朝廷不假給辛苦無半年
行人擢行資居者稅屋椽中間遂作梗狼籍用戈鋌
臨門送節制以錫通天班破者以族滅存者尚遷延

禮數異君父羈糜如羌零直求輸赤城所望大體全
魏魏政事堂宰相厭八珍敢問下執事今誰掌其權
瘡痏幾十載不敢扶其根國蹙賦更重人稀役彌繁
近年牛醫兒城社更扳緣盲目把大旆處此京西藩
樂禍忘怨敵樹黨多狂狷生爲人所憚死非人所憐
快刀斷其頭列若猪牛懸鳳翔三百里兵馬如黃巾
夜半軍牒來屯兵萬五千鄉里駭供億老少相扳牽
兒孫生未孩弃之無憇頰不復議所適但欲死山間
爾來又三歲甘澤不及春盜賊亭午起問誰多窮民
節使殺亭吏捕之恐無因咫尺不相見旱久多黃塵

官健腰佩弓自言爲官巡常恐值荒迥此輩還射人
媿客問本末願客無因循郿塢抵陳倉此地忌黃昏
我聽此言罷寃憤如相焚昔聞舉一會群盜爲之奔
又聞理與亂繫人不繫天我願爲此事君前剖心肝
叩額出鮮血滂沱汚紫宸九重黯已隔涕泗空沾唇
使典作尚書廝養爲將軍慎勿道此言此言未忍聞

井泥四十韻

皇都依仁里西北有高齋昨日主人氏治井堂西陞
工人三五輩輦出土與泥到水不數尺積共庭樹齊
他日井甃畢用土益作堤曲隨林掩映繚以池周迴

下去冥冥穴上承雨露滋寄辭別地脉因言謝泉扉
昇騰不自意疇昔忽已乖伊余掉行鞅行行來自西
一日下馬到此時芳草萋四面多好樹旦暮雲霞姿
晚落花滿地幽鳥鳴何枝蘿幄旣已薦山樽亦可開
待得孤月上如與佳人來因之感物理惻愴平生懷
茫茫此羣品不定輪與蹄喜得舜可禪不以瞽瞍疑
禹竟代舜立其父吁咷哉羸氏并六合所來因不韋
漢祖把左契自言一布衣當途佩國璽本乃黃門携
長戟亂中原何妨起戎氏不獨帝王耳臣下亦如斯
伊尹佐興王不籍漢父資磻溪老釣叟坐爲周之師

屠狗與販繒突起定傾危長沙啓封土豈是出程姬
帝問主人翁有自賣珠兒武昌昔男子老苦爲人妻
蜀王有遺魄今在林中啼淮南雞舐藥翻向雲中飛
大鈞運羣有難以一理推願於冥冥內爲問秉者誰
我恐更萬世此事愈云爲猛虎與雙翅更以角副之
鳳凰不五色聯翼上雞栖我欲秉鈞者竭來與我偕
浮雲不相顧寥泬誰爲梯愴快夜參半但歌井中泥

戲題樞言草閣三十二韻

君家在河北我家在山西百歲本無業陰陰仙李枝
尚書文與武戰罷幕府開君從渭南至我自仙游來

平昔苦南北動成雲雨乖違今兩携手對若床下鞋
夜歸碣石館朝上黃金臺我有苦寒調君抱陽春才
年顏各少壯髮綠齒尚齊我雖不能飲君時醉如泥
政靜籌畫簡邊食多相携掃掠走馬路整頓射雉翳
春風二三月柳密鶯正啼清河在門外上與浮雲齊
欹冠調玉琴彈作松風哀又彈明君怨一去怨不迴
感激坐者泣起視雁行低翻憂龍山雷刦雜胡沙飛
仲容銅琵琶頃直聲妻妾上貼金捍撥盡爲承露雞
君時臥帳觸勸客白玉杯苦云年光疾不飲將安歸
我賞此言是因循未能諳君言中聖人坐臥莫我違

榆莢亂不整楊花飛相隨上有白日照下有東風吹
青樓有美人顏色始玫瑰歌聲入青雲所痛無良媒
少年苦不久顧慕良難哉徒今真珠脞裏入珊瑚腮
君今且少安聽我苦吟詩古詩何人作老大猶傷悲
李肱所遺畫松詩書兩紙得四十韻

萬草已涼露開圖披古松青山徧蒼海此樹生何峯
孤根邈無倚直立擰鴻濛端如君子身挺若壯士
樛枝勢天矯忽欲蟠擎空又如驚螭走默與奔雲逢
孫枝擢細葉旖旎狐裘茸鄒顛摩髮軟麗姬眉黛濃
視久眩目睛倏忽變輝容竦削正稠直婀娜旋數峯

只如洞房冷翠被張穹籠亦若暨羅女平旦粧顏容
細疑襲氣母猛若爭神功燕雀固寂寂霧露常衝衝
重蘭槐傷暮碧竹慙空中可集呈瑞鳳堪藏行雨龍
淮山桂偃蹇蜀郡桑重童枝脩亮眇脆靈氣何由同
昔聞咸陽帝近說嵇山儂或著佳人號或以大夫封
終南與清都烟雨遙相通安知夜夜意不起西南風
美人昔清興重之由月鍾寶笥十八九香緹千萬重
一旦鬼瞰室稠疊張纏量赤羽中要害是非皆忽忽
生如碧海月死踐霜郊蓬平生握手玩散失隨奴僮
我聞照妖鏡及與神劍鋒寓身會有地不爲凡物蒙

伊人秉茲圖顧盼擇所從而我何爲者開懷捧靈蹤
報以漆鳴琴懸之真珠櫳是時方暑夏座內若嚴冬
憶昔謝駟騎學仙王陽東千株盡若此路入瓊瑤宮
口詠玄雲歌手把金芙蓉濃藹深霓袖色映琅玕中
悲哉墮世網去之若遺弓形魄天壇上海日高瞳瞳
終期紫鸞歸持寄扶桑翁

宮中曲

雲母瀝宮月夜夜白於水瞧得羊東來低扇遮黃子
水精不覺冷自刻鴛鴦翅蚕縷茜香濃正朝纏左臂
巴牋兩三幅滿寫承恩字欲得識青天昨夜蒼龍是